

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm|| Maii Et Ivnii

Surius, Laurentius

Coloniae Agrippinae, 1576-

VD16 S 10258 - 10263

Pivs Papa V. Dilecto Filio F. Lavrentio Carthvsiano.

[urn:nbn:de:hbz:466:1-77393](https://nbn-resolving.de/urn:nbn:de:hbz:466:1-77393)

PIVS PAPA V.
DILECTO FILIO F. LAUREN
TIO CARTHVSIANO.

DILECTE fili, salutem & Apostolicam benedictionem. Librum, sanctorum Patrum vitas continentem, a te nuper editum, atq; ad nos missum, libentissime accepimus: qui quidem eo etiam gravior nobis fuit, quod opus in se continet a nobis semper desideratum, & ad repellenda hereticorum in eisdem sanctorum Patrum historias maledicta, aptissimum. Laudamus vehementer pium hunc laborem tuu, teque, quod coram Domino vacuus apparere nolueris, sed in eius Domum, pro facultate tibi ab eo concessa, quicquid potueris, ultra obtuleris, debitum in Domino laudibus commendamus: cuius tamen laudabilis laboris tui gloriam in primis ei tribuendum esse memento, a quo accepisti & velle & perficere: quod & a nobis, & ab omnibus pijs & Catholicæ religionis studiosis meritò laudaretur. Hortamur autem te, ut huiusmodi opere prosequendo, & de Ecclesia Dei benè mereri, & tibi apud omnipotentem Deum merita augere ne desistas, securus, te a Redemptore nostro laborum tuorum centuplum esse fructum percepturum. Datum Romæ apud sanctum Petrum sub annulo piscatoris, die 2. Junij, M.D.LXX. Pontificatus nostri Anno Quinto.

T. Aldobrandinus.